

REGLUGERÐ

nr. 424/2008

um lögmæltar ökutækjatrýggingar.

I. KAFLI

Skylda váttryggingafélags til að taka að sér váttryggingu og gildistaka váttryggingar.

1. gr.

Skyldur váttryggingafélaga.

Váttryggingafélagi sem býður ökutækjatrýggingar samkvæmt umferðarlögum nr. 50 30. mars 1987 er skylt að taka að sér lögmælt ábyrgðartryggingu og lögmælt slysatryggingu ökumanns og váttryggingartaka sem farþega í eigin ökutæki fyrir sérhvern váttryggingarskyldan aðila, sem undirgengst váttryggingarskilyrði ákveðin í samræmi við þá áhættu, sem félagið tekur að sér.

Váttryggingafélag sem býður ökutækjatrýggingar samkvæmt umferðarlögum, skal vera aðili að Alþjóðlegum bifreiðatrýggingum á Íslandi sf. (ABÍ).

2. gr.

Gildistaka.

Váttrygging gengur í gildi þegar félagið eða umboðsmaður þess tekur við váttryggingarbeiðni, nema váttryggingartaki óski þess að hún taki gildi síðar.

Hafi váttrygging verið tekin með einhliða yfirlýsingu váttryggingartaka, t.d. símleiðis eða skriflega, er váttryggingafélaginu heimilt að skora á váttryggingartaka að greiða iðgjaldið eða semja um greiðslu þess þegar í stað og í síðasta lagi innan viku frá móttöku slíkrar tilkynningar. Verði váttryggingartaki ekki við áskoruninni er félaginu heimilt að fella váttrygginguna strax úr gildi, þrátt fyrir ákvæði 12. gr. Skal félagið tilkynna váttryggingartakanum þá ákvörðun skriflega, jafnframt því að senda tilkynningu til Umferðarstofu um lok váttryggingarinnar.

II. KAFLI

Gildissvið váttryggingar, réttarstaða þriðja manns o.fl.

3. gr.

Gildissvið váttryggingar.

Lögmælt ábyrgðartrygging skal gilda í aðildarríkjum Evrópska efnahagssvæðisins (EES) og Fríverslunarsamtaka Evrópu (EFTA) á grundvelli eins og sama iðgjalds. Váttryggingin skal veita þá váttryggingarvernd í hverju aðildarríki sem kveðið er á um í löggjöf viðkomandi ríkis, eða þá váttryggingarvernd sem íslensk löggjöf mælir fyrir um þegar sú vernd er víðtækari. Váttryggingin skal gilda allt samningstímabilið þótt váttryggt ökutæki sé staðsett í öðru aðildarríki á því tímabili.

Um skaðabótaábyrgð og ákvörðun skaðabóta fer eftir löggjöf viðkomandi aðildarríkis.

4. gr.

Réttarstaða þriðja manns.

Váttryggingafélag skal taka að sér váttrygginguna þannig að þriðji maður eigi beina kröfu á félagið, sbr. 1. mgr. 91. gr. og 1. mgr. 95. gr. umferðarlaga.

Vanræksla váttryggingartaka á því að standa við skuldbindingar sínar gagnvart félaginu veitir því engan rétt til að neita greiðslu til þess sem á rétt á skaðabótum. Öll ákvæði í váttryggingarsamningi er takmarka ábyrgð félagsins að þessu leyti eru ógild.

Í samningi félagsins og váttryggingartaka má áskilja að váttryggingartaki skuli að öllu leyti eða að hluta bera áhættu af tjónsatburðum sem falla undir váttrygginguna, en slík ákvæði hafa engin áhrif á réttarstöðu þriðja manns. Má þannig almennt áskilja að eigin áhætta váttryggingartaka vegna hvers tjónsatburðar skuli vera tiltekin fjárhæð, allt að 200.000 króna fyrir váttryggingartaka sem einstakling og allt að 1.000.000 króna fyrir váttryggingartaka með rekstur, ef tjónið nemur þeirri fjárhæð, eða ella að fullu, enda hafi félagið samþykkt skriflega beiðni váttryggingartaka um eigin áhættu. Váttryggingafélaginu er heimilt að setja ákvæði þess efnis í iðgjaldagrundvöll, að ef nánar tiltekin skilyrði eru uppfyllt skuli váttryggingartaki bera

eigin áhættu allt að 50.000 króna. Viðskiptaráðuneytið getur að fengnum tillögum Fjármálaeftirlitsins breytt fjárhæðum þessum árlega í samræmi við verðlagsbreytingar.

Ákvæði 2. mgr. eiga einnig við um lögmæltu slysatrýggingu ökumanns og váttryggingartaka.

5. gr.

Váttryggingafélag skal að beiðni váttryggingartaka gefa út tjónsvottorð vegna lögboðinnar ábyrgðartryggingar hans.

Í tjónsvottorði skulu vera upplýsingar um skaðabótakröfur vegna tjóns sem varðar váttryggt ökutæki eða um að ekki sé um slíkar kröfur að ræða. Skal vottorðið taka til fimm ára tímabils fyrir útgáfu þess.

Tjónsvottorð skal berast váttryggingartaka innan 15 daga frá beiðni hans þar að lútandi.

6. gr.

Endurgreiðsla iðgjalds.

Þegar ökutæki er afskráð eða selt og váttryggt af hinum nýja eiganda (varanlegum umráðamanni) skal váttryggingafélag endurgreiða iðgjald í hlutfalli við það sem eftir er af váttryggingartímabilinu.

Hafi ökutækið eigi verið í notkun a.m.k. 30 daga samfleytt skal félagið endurgreiða iðgjaldið hlutfallslega fyrir innistöðutímabilið, enda hafi skráningarmerki ökutækis þá verið í vörslu Umferðarstofu eða þess sem hefur umboð hennar. Ákvæði þetta gildir ekki um dráttarvélar eða torfærutæki.

7. gr.

Reglur um ökutæki sem skráð eru til leigu án ökumanns.

Í váttryggingarskilmálum fyrir ökutæki sem skráð eru til leigu án ökumanns, samkvæmt lögum nr. 64 20. maí 2000 um bílaleigur, skal vera ákvæði um endurkröfurétt váttryggingafélags á hendur váttryggingartaka (bílaleigu) vegna allra tjónsatvika, sem verða þegar ökutækið er leigt án ökumanns andstætt ákvæðum nefndra laga, nema leitt sé í ljós að orsakir tjóns eða umfang verði ekki rakið til þess að ökutækið var leigt andstætt þeim.

8. gr.

Reglur um erlend ökutæki.

Um váttryggingu ökutækja sem skráð eru erlendis og heimilt er að nota hér á landi fer samkvæmt reglugerð um notkun erlendra ökutækja.

III. KAFLI

**Eftirlit með því að váttryggingarskyldu sé gætt
og lok lögmæltra ökutækjatrýgginga.**

9. gr.

Eftirlit með váttryggingarskyldu o.fl.

Við skráningu vélknúins ökutækis skal færa sönnur á að váttryggingar vegna ökutækisins í samræmi við umferðarlög séu í gildi með staðfestingu frá váttryggingafélagi. Þegar eigendaskipti að ökutæki eru skráð skal ganga úr skugga um að nýr eigandi (varanlegur umráðamaður) hafi keypt lögmæltu váttryggingu fyrir ökutækið. Við almenna skoðun ökutækis svo og þegar afhent eru að nýju skráningarmerki ökutækis sem verið hafa í vörslu Umferðarstofu eða þess sem hefur umboð hennar, skal með sama hætti færa sönnur á að lögmælt váttrygging sé í gildi fyrir ökutækið.

Í skráðu ökutæki skulu jafnan varðveitt gögn sem bera með sér að í gildi séu lögmæltar váttryggingar vegna ökutækisins.

Þegar vélknúið ökutæki er búið til að draga eftirvagn eða tengitæki skal váttryggingin einnig taka til aksturs með tengt ökutæki.

Þegar keypt er váttrygging hjá öðru váttryggingafélagi en því sem ökutækið hefur til þessa verið váttryggt hjá skal eigandi (varanlegur umráðamaður) ökutækisins senda Umferðarstofu staðfestingu þessa efnis. Skal staðfestingin hafa borist Umferðarstofu eigi síðar en þann dag sem fyrri váttryggingin fellur úr gildi.

10. gr.

Þegar eigendaskipti verða að skráðu vélknúnu ökutæki gildir hin fyrri váttrygging gagnvart nýjum eiganda (varanlegum umráðamanni) í 14 daga nema ökutæki hafi áður verið afskráð eða ný váttrygging keypt fyrir það.

11. gr.

Eigi má váttryggja skráð vélknúíð ökutæki ef váttryggingartaki skuldar iðgjald fyrir eldri váttryggingu á sama ökutæki sem fallið hefur í gjalddaga á síðastliðnum tveimur árum.

Komi í ljós að keypt hefur verið váttrygging fyrir skráð vélknúíð ökutæki andstætt ákvæði 1. mgr. fellur váttryggingin þegar úr gildi. Skal váttryggingafélagið þá strax vara váttryggingartaka við og senda tilkynningu um lok váttryggingar skv. 12. gr.

12. gr.

Lok lögmæltra ökutækjatrýgginga.

Falli váttrygging vegna skráðs vélknúíns ökutækis úr gildi vegna vanskila á iðgjaldi þeirrar váttryggingar skal váttryggingafélagið senda tilkynningu um það til Umferðarstofu þremur mánuðum eftir gjalddaga iðgjaldsins. Falli váttrygging úr gildi af annarri ástæðu en vanskilum skal félagið tilkynna það Umferðarstofu þegar eftir að váttryggingin er úr gildi fallin.

Jafnframt tilkynningu til Umferðarstofu skv. 1. mgr. skal félagið gera váttryggingartaka (eiganda eða varanlegum umráðamanni ökutækis) aðvart og kynna honum réttaráhrif slíkrar tilkynningar.

Félagið skal ekki senda tilkynningu skv. 1. mgr. ef það hefur vitneskju um að ökutækið hafi verið váttryggt hjá öðru félagi eða það hafi verið afskráð.

Tilkynning skv. 1. mgr. verður ekki gefin svo gilt sé, ef váttryggingin er upphaflega tekin vegna annars ökutækis og vanskilin stafa frá tíma áður en váttryggingin var færð yfir á hið nýja ökutæki.

13. gr.

Þegar Umferðarstofa fær tilkynningu skv. lokamásl. 2. mgr. 2. gr. eða 1. mgr. 12. gr. og í ljós kemur að ökutækið hefur ekki verið afskráð og að ný fullnægjandi váttrygging er ekki fyrir hendi, skal lögreglustjóri þar sem eigandi (varanlegur umráðamaður) er skráður til heimilis hlutast til um að skráningarmarki séu tafarlaust tekin af ökutækinu.

Enda þótt váttryggingin sé fallin úr gildi ber félagið áfram ábyrgð gagnvart þriðja manni á sérhverju tjóni sem verður þar til fjórar vikur eru liðnar frá því að váttryggingin féll úr gildi nema önnur fullnægjandi váttrygging hafi verið keypt. Hafi váttryggingin fallið úr gildi áður en Umferðarstofa fær tilkynningu skv. 1. mgr. 12. gr. helst ábyrgð félagsins í fjórar vikur frá móttöku tilkynningarinnar.

14. gr.

Tilkynningar og staðfestingar skv. 2. mgr. 2. gr., 9. og 1. mgr. 12. gr. skal senda Umferðarstofu rafrænt eða á sérstökum eyðublöðum. Skal form tilkynninganna ákveðið af Umferðarstofu. Tilkynningar sem ekki eru í samræmi við kröfur Umferðarstofu skulu teljast ógildar og ber að vísa þeim frá.

Ákvæði 9.-13. gr. gilda einnig um váttryggingu á ökutækjum með reynslumerki.

IV. KAFLI

Meðferð skaðabótakrafna.

15. gr.

Rökstutt tilboð um bætur eða rökstutt svar.

Váttryggingafélag eða tjónsuppgjörfulltrúi þess skal innan þriggja mánaða eftir að tjónþoli, sem búsettur er í EES- eða EFTA-ríki, hefur vegna tjónsatviks í aðildarríki eða í öðru ríki sem er aðili að tilhöguninni um græna kortið sett fram kröfu um bætur, gera skriflega rökstutt tilboð um bætur, þegar ekki er ágreiningur um bótaskyldu og tjón hefur verið metið.

Þegar bótaskyldu er hafnað eða ekki hefur verið skorið úr um hana eða ef tjón hefur ekki verið metið að fullu, skal váttryggingafélag eða tjónsuppgjörfulltrúi þess innan frests skv. 1. mgr. skriflega gefa rökstutt svar við þeim atriðum sem tiltekin eru í kröfunni.

Ákvæði 1. og 2. mgr. gilda jafnframt um meðferð bótakrafna hjá Alþjóðlegum bifreiðatrýggingum sf. (ABÍ).

16. gr.

Ef tjónþoli sem búsettur er í aðildarríki EES eða EFTA beinir kröfu sinni vegna tjóns sem 15. gr. tekur til að váttryggingafélagi tjónvalds eða tjónsuppgjörfulltrúa þess í búsetulandi tjónþola hvílir skyldan samkvæmt 15. gr. að gera rökstutt tilboð eða gefa rökstutt svar á félaginu. Þetta á þó aðeins við, ef félagið hefur starfsleyfi til að taka að sér ábyrgðartryggingu sbr. 1. mgr. 91. gr. umferðarlaga. Ákvæði 1. másl. á ekki við ef tjónsuppgjörfulltrúi félagsins hefur innan þriggja mánaða látið í té rökstutt tilboð eða svar.

V. KAFLI

Tjónsuppgjörfulltrúar.

17. gr.

Hlutverk tjónsuppgjörfulltrúa og skilyrði fyrir viðurkenningu á þeim.

Tjónsuppgjörfulltrúar, sem tilnefndir eru á Íslandi til að koma fram fyrir hönd erlendra váttryggingafélaga í samræmi við 11. tölul. 2. mgr. 21. gr. laga um váttryggingastarfsemi nr. 60, 11. maí 1994, skulu afgreiða og taka ákvörðun eða semja um skaðabótakröfur tjónþola, sem búsettir eru á Íslandi, vegna tjónsatviks í öðru aðildarríki Evrópska efnahagssvæðisins (EES) eða Fríverslunarsamtaka Evrópu (EFTA) eða í öðru ríki sem er aðili að tilhöguninni um græna kortið, enda verði tjónsatvik rakið til ökutækis sem er váttryggt og að öllu jöfnu staðsett í öðru EES- eða EFTA-ríki.

Skylda samkvæmt 15. gr. að gera rökstutt tilboð eða gefa rökstutt svar hvílir ekki á tjónsuppgjörfulltrúa hafi viðkomandi váttryggingafélag uppfyllt þá skyldu innan þriggja mánaða frestsins.

Tjónsuppgjörfulltrúi skal vera búsettur á Íslandi og vera fær um að sinna starfi sínu á íslensku. Honum er heimilt að starfa fyrir fleiri en eitt váttryggingafélag.

VI. KAFLI

Tjónsuppgjörsmiðstöð.

Greiðsluskylda vegna óþekktra eða óváttryggðra ökutækja.

18. gr.

Íslensk tjónsuppgjörsmiðstöð og ábyrgðaraðili.

Íslensk tjónsuppgjörsmiðstöð, Alþjóðlegar bifreiðatrýggingar á Íslandi sf. (ABÍ), getur greitt bætur vegna tjóns af völdum vélknúins ökutækis, ef:

- a. tjónþoli er búsettur á Íslandi,
- b. ökutækið er váttryggt og að öllu jöfnu staðsett í öðru EES- eða EFTA-ríki, eða ef ökutæki er óþekkt, eða ef ekki er unnt að hafa upp á váttryggingafélagi því sem váttryggði ökutækið, og
- c. tjónið varð í öðru EES- eða EFTA-ríki eða í öðru ríki sem er aðili að tilhöguninni um græna kortið.

ABÍ er óheimilt að gegna starfi tjónsuppgjörfulltrúa fyrir erlent váttryggingafélag.

ABÍ er sem ábyrgðaraðila skylt að greiða bætur fyrir tjón sem hlýst af notkun óþekkts eða óváttryggðs skráningarskylds vélknúins ökutækis eins og nánar er kveðið á um í 20. gr.

19. gr.

Tjónþoli, sem er búsettur á Íslandi getur beint skaðabótakröfu að ABÍ sem tjónsuppgjörsmiðstöð vegna tjónsatviks, sem lýst er í 1. mgr. 18. gr., ef erlent váttryggingafélag tjónvalds eða tjónsuppgjörfulltrúi þess á Íslandi hefur ekki gert rökstutt tilboð eða gefið rökstutt svar innan þriggja mánaða frá því að tjónþoli krafði váttryggingafélagið eða tjónsuppgjörfulltrúann skaðabóta, sbr. 1. og 2. mgr. 15. gr.

Tjónþoli skv. 1. mgr. getur einnig krafði ABÍ sem tjónsuppgjörsmiðstöð ef váttryggingafélag tjónvalds hefur ekki tilnefnt tjónsuppgjörfulltrúa á Íslandi. Tjónþoli getur þó ekki haft uppi skaðabótakröfu gagnvart ABÍ skv. 1. másl., ef hann hefur beint kröfu að váttryggingafélagi tjónvalds og fengið rökstutt svar við henni innan þriggja mánaða.

Tjónþoli getur ekki haft uppi skaðabótakröfu gagnvart ABÍ eftir 1. eða 2. mgr. ef hann hefur höfðað mál gegn váttryggingafélagi tjónvalds.

ABÍ skal hefja aðgerðir til afgreiðslu bótakröfu innan tveggja mánaða eftir að hún barst frá tjónþola. ABÍ lýkur meðferð kröfunnar ef váttryggingafélag tjónvalds eða tjónsuppgjörfulltrúi þess gefur tjónþola rökstutt svar við kröfunni.

Þegar skaðabótakrafan hefur borist tilkynnir ABÍ váttryggingafélagi tjónvalds eða tjónsuppgjörfulltrúanum á Íslandi, tjónsuppgjörsmiðstöðinni í aðildarríkinu þar sem váttryggingafélagið, sem gaf út váttryggingarskírteinið, hefur staðfestu og tjónvaldi, ef vitað er um hann, að tjónþoli hafi krafði ABÍ um bætur og að ABÍ muni svara kröfunni innan tveggja mánaða frá því að tjónþoli gerði hana.

20. gr.

Tjón af völdum óþekktra eða óvátryggðra ökutækja.

ABÍ skal sem tjónsuppgjörsmiðstöð greiða tjónþola búsettum á Íslandi tjón vegna atviks í öðru EES- eða EFTA-ríki, ef ætla má að það hafi hlotist af notkun óþekkts vélknúins ökutækis eða vátryggingarskyldu vélknúna ökutæki, sem að öllu jöfnu er staðsett í EES- eða EFTA-ríki eða öðru ríki sem er aðili að tilhöguninni um græna kortið, ef ekki er unnt innan tveggja mánaða að hafa upp á vátryggingafélagi því sem ábyrgðartryggði ökutækið.

ABÍ skal sem ábyrgðaraðili greiða tjónþola bætur fyrir líkamsáverka eða missi framfæranda vegna slyss á Íslandi ef ætla má að tjónið hafi hlotist af notkun óþekkts vélknúins ökutækis. Greiðist bætur fyrir líkamstjón skulu jafnframt greiðast bætur fyrir munatjón vegna sama tjónsatviks.

ABÍ skal sem ábyrgðaraðili greiða tjónþola bætur vegna tjónsatviks sem hlotist hefur á Íslandi af notkun ökutækis, sem engin ábyrgðartrygging hefur verið keypt fyrir, eða vátrygging þess hefur verið felld niður af vátryggingafélaginu eða ekki haldið í gildi.

Skaðabætur skv. 1.-3. mgr. greiðast af ABÍ á grundvelli gildandi umferðarlaga allt að vátryggingarfjárhæð, sem þar er ákveðin.

Skaðabætur skv. 1.-3. mgr. greiðast ekki ef ABÍ sýnir fram á að tjónþoli, sem af fúsum vilja hefur tekið sér far í ökutæki sem tjón hlýst af, vissi að lögmælt ábyrgðartrygging var ekki fyrir hendi er tjónsatvikið gerðist. Sama á við um tjón á munum, sem fluttir eru með ökutæki, sem eigandi eða sendandi þeirra vissi að var óvátryggt. Skaðabætur eftir ákvæðum þessum skal ekki heldur greiða til að fullnægja endurkröfu frá þriðja manni.

ABÍ bætir ekki tjón er ætla má að sé af völdum vélknúins ökutækis sem undanþegið er vátryggingarskyldu og er í eigu ríkissjóðs Íslands, erlends ríkis eða alþjóðastofnunar.

Auk endurkröfuréttar skv. 3. og 4. mgr. 22. gr., má ABÍ samkvæmt almennum reglum íslensks réttar endurkrefja þá, sem bera skaðabótaábyrgð á tjóni af völdum óvátryggðs ökutækis, þ.m.t. eiganda (umráðamann) og ökumann. Sama á við hafi ABÍ greitt bætur fyrir tjón af völdum óþekkts ökutækis, ef síðar upplýstist um það. Í því tilviki á ABÍ einnig endurkröfurétt á hendur vátryggjanda ökutækisins. Ákvæði þessarar málsgreinar haggja ekki reglum um kröfur samkvæmt öðrum endurkröfuheimildum.

21. gr.

ABÍ er skylt að greiða skaðabætur sem ábyrgðaraðili vegna óvátryggðs erlends ökutækis, sem um stundarsakir er notað á Íslandi án þess að vera skráð hér á landi.

22. gr.

Endurgreiðsla, endurkrafa og kröfuhafaskipti.

Sú tjónsuppgjörsmiðstöð sem hefur skv. 94. gr. a umferðarlaga greitt bætur til tjónþola í því EES- eða EFTA-ríki, sem tjónþoli býr, getur krafist þess að ABÍ endurgreiði bætunar, ef:

- vátryggingafélag sem gefið hefur út vátryggingarskírteini fyrir ökutækið, sem tjónið hlaut af, hefur starfsleyfi til að taka að sér ábyrgðartryggingu,
- ökutækið sem tjónið hlaut af er að jafnaði staðsett í öðru EES- eða EFTA-ríki en því þar sem tjónþoli er búsettur, og
- tjónsatvikið varð í öðru EES- eða EFTA-ríki en því þar sem tjónþoli er búsettur eða öðru ríki sem er aðili að tilhöguninni um græna kortið.

Tjónsuppgjörsmiðstöð sem hefur skv. 94. gr. a umferðarlaga greitt bætur til tjónþola í því EES- eða EFTA-ríki, þar sem tjónþoli býr, getur krafist þess að ABÍ endurgreiði bætunar, ef:

- ökutæki er að öllu jöfnu staðsett á Íslandi og ekki er vitað um vátryggingafélag þess, eða
- ökutæki er óþekkt eða er að öllu jöfnu staðsett í öðru ríki sem er aðili að tilhöguninni um græna kortið, og tjónsatvikið verður á Íslandi.

Í samningi tjónsuppgjörsmiðstöðva skulu vera nánari reglur um framkvæmd endurgreiðslna í skiptum ABÍ og tjónsuppgjörsmiðstöðva og ábyrgðaraðila í öðrum EES- eða EFTA-ríkjum.

ABÍ öðlast rétt tjónþola á hendur tjónvaldi eða vátryggingafélagi hans að svo miklu leyti sem tjónsuppgjörsmiðstöðin í því EES- eða EFTA-ríki, þar sem tjónþoli býr, hefur greitt honum bætur, enda hafi ABÍ endurgreitt tjónsuppgjörsmiðstöðinni bætunar í samræmi við samning, sem greindur er í 3. mgr.

VII. KAFLI
Upplýsingamiðstöð.

23. gr.

Alþjóðlegar bifreiðatrýggingar á Íslandi sf. (ABÍ) er upplýsingamiðstöð hér á landi.

Upplýsingamiðstöð skal safna og miðla upplýsingum um:

- skráningarkerki vélknúinna ökutækja sem eru að öllu jöfnu staðsett á Íslandi,
- númer váttryggingarskírteina sem taka til ábyrgðar á tjóni af notkun ökutækja, sem eru að öllu jöfnu staðsett á Íslandi, og þann dag sem váttryggingarvernd fellur niður ef gildistíma váttryggingarinnar er lokið,
- þau váttryggingafélög, sem ábyrgðartryggja ökutæki, sem eru að öllu jöfnu staðsett á Íslandi, og þá tjónsuppgjörfulltrúa, sem váttryggingafélög hafa tilnefnt skv. lögum um váttryggingastarfsemi, og sem tilkynnt er um til ABÍ skv. 3. mgr. þessarar greinar,
- ökutæki sem undanþegin eru ábyrgðartryggingarskyldu og hvaða stjórnvald ábyrgist greiðslu bóta fyrir tjón sem hlýst af þeim.

ABÍ skal aðstoða tjónþola, sbr. 24. gr., við að afla þeirra upplýsinga sem taldar eru í 2. mgr.

Upplýsingar sem greinir í liðum a-d 2. mgr., skal geyma í sjö ár frá afskráningu ökutækis eða lokum váttryggingarsamnings.

Félagið getur einnig safnað og miðlað öðrum upplýsingum, sem eru nauðsynlegar til afgreiðslu tjónamáls svo sem upplýsingum um:

- skráningarkerki vélknúinna ökutækja sem eiga þátt í umferðaróhappi,
- hvernig váttryggingu ökutækis er háttað,
- nöfn, heimilisföng og símanúmer þeirra aðila sem eiga þátt í umferðaróhappi,
- tjónsstað og aðdraganda tjónsatviks samkvæmt lögregluskýrslu eða tjónstilkynningu.

Komi fram sérstök ósk frá tjónþola, sbr. 24. gr., um upplýsingar sem eru nauðsynlegar til afgreiðslu tjónamáls skal ABÍ aðstoða við útvegum þeirra, eftir atvikum á rafrænu formi.

Váttryggingafélög, sem skv. lögum um váttryggingastarfsemi hafa starfsleyfi til rekstrar ábyrgðartrygginga ökutækja, skulu veita upplýsingamiðstöðvum í öllum EES- eða EFTA-ríkjum upplýsingar um nafn og heimilisfang tjónsuppgjörfulltrúa sem er tilnefndur skv. lögum um váttryggingastarfsemi.

24. gr.

Tjónþoli, sem er búsettur á Íslandi, á í allt að sjö ár frá tjónsatviki rétt á að fá tafarlaust hjá ABÍ upplýsingar sem taldar eru hér á eftir ef ökutæki tjónvalds er váttryggt og að öllu jöfnu staðsett í EES- eða EFTA-ríki og tjónsatvik varð í aðildarríki eða í öðru ríki sem er aðili að tilhöguninni um græna kortið:

- nafn og heimilisfang váttryggingafélags,
- númer váttryggingarskírteinis,
- nafn og heimilisfang tjónsuppgjörfulltrúans sem váttryggingafélag hefur tilnefnt hér á landi,
- stjórnvald sem ber ábyrgð á greiðslu bóta ef tjóni er valdið af ökutæki sem er undanþegið váttryggingarskyldu.

Tjónþoli, sem er búsettur í öðru EES- eða EFTA-ríki en Íslandi, á einnig, í allt að sjö ár frá tjónsatviki, rétt á að fá tafarlaust upplýsingar þær, sem greinir í 1. mgr., ef tjónsatvikið varð á Íslandi og ökutæki tjónvalds er váttryggt og að öllu jöfnu staðsett í öðru aðildarríki.

ABÍ skal hafa samvinnu við upplýsingamiðstöðvar annarra EES- eða EFTA-ríkja.

25. gr.

ABÍ skal láta tjónþola skv. 24. gr. í té nafn og heimilisfang eiganda ökutækisins, þess sem ekur því að jafnaði eða skráðs umráðamanns, ef tjónþoli hefur lögmæta hagsmuni af því að fá þessar upplýsingar.

ABÍ lætur tjónþola í té nafn þess stjórnvalds, sem ábyrgist greiðslu bóta vegna tjóns af völdum ökutækja sem undanþegin eru ábyrgðartryggingarskyldu.

VII. KAFLI
Endurkröfunefnd.

26. gr.

Vátryggingafélag sem greitt hefur bætur vegna tjóns, sem ætla má að hafi verið valdið af ásetningi eða stórkostlegu gáleysi, skal senda gögn málsins til endurkröfunefndar sem starfar skv. umferðarlögum. Skal félagið rekja ástæður þess að endurkröfu skuli beitt og gera grein fyrir bótafjárhæðum og öðrum atriðum sem máli skipta.

Endurkröfunefnd skal heimill aðgangur að öllum gögnum sem vátryggingafélag hefur byggt á bótagreiðslur sínar samkvæmt lögmæltum ábyrgðartryggingum. Nefndin getur að eigin frumkvæði tekið mál til meðferðar.

27. gr.

Um málsmeðferð fyrir endurkröfunefnd fer eftir ákvæðum stjórnsýslulaga nr. 37, 30. apríl 1993.

28. gr.

Nefndin skal eftir því sem kostur er fylgjast með að fyrirmælum sé fylgt, m.a. að mál verði látið ganga til dómstóla, ef sá sem endurkrafa beinist gegn neitar að greiða endurkröfu eða ekki semst um greiðslu hennar.

29. gr.

Nefndin skal halda gerðabók þar sem skráð skal skýrsla um fundi nefndarinnar. Þar skal í hverju máli m.a. koma fram númer máls hjá nefndinni, aðilar þess, tjónsdagur, ástæður þess að endurkröfuheimildar er óskað og niðurstaða nefndarinnar.

Nefndinni er heimilt með samþykki viðskiptaráðuneytis að ráða sér starfslíð er undirbúi mál fyrir fundi nefndarinnar og annist önnur störf fyrir nefndina á hennar ábyrgð.

Endurkröfunefnd skal fyrir 1. mars ár hvert skila viðskiptaráðuneytinu skýrslu um störf sín á næstliðnu ári.

30. gr.

Kostnaður af störfum endurkröfunefndar greiðist úr ríkissjóði. Vátryggingafélögin skulu endurgreiða þann kostnað samkvæmt ákvörðun viðskiptaráðuneytis í hlutfalli við fjölda mála, sem félögin leggja fyrir nefndina.

VIII. KAFLI
Gildistaka.

31. gr.

Reglugerð þessi, sem sett er samkvæmt heimild í 6. mgr. 91. gr., 1. mgr. 94. gr., 3. mgr. 94. gr. a, 2. mgr. 94. gr. b og 2. og 3. mgr. 96. gr. umferðarlaga, nr. 50 30. mars 1987 með síðari breytingum, svo og með hliðsjón af IX. viðauka við EES-samninginn, tilskipun 72/166/EBE með breytingu samkvæmt tilskipun 72/430/EBE, tilskipunum 84/5/EBE, 90/232/ EBE, 2000/26/EB, 2005/14/EB og ákvörðunum 2003/564/EB og 2007/482/EB öðlast þegar gildi og á við um tjónsatvik, sem verða eftir gildistöku reglugerðarinnar.

Jafnframt fellur úr gildi reglugerð um lögmæltar ökutækjatrýggingar nr. 392 27. maí 2003.

Viðskiptaráðuneytinu, 2. maí 2008.

Björgvin G. Sigurðsson.

_____ *Kjartan Gunnarsson.*

_____ **B-deild – Útgáfud.: 7. maí 2008**